

**Isumaginninnermik suliassaqarfimmi pissaanermik atuineq pillugu Inatsisartut
inatsisaat nr. xx, xx. Xx 2013-meersoq**
(*Ilaqutariinnermut Inatsisinillu Atortitsinnermut Naalakkersuisumit saqqummiunneqartoq*)

pillugu

Ilaqutariinnermut Peqqissutsimullu Ataatsimiititaliap

ISUMALIUTISSIISUTAA

Aalajangiiffigisassatut siunnersuutip aappassaaneernejarnerani saqqummiunneqartoq

Ataatsimiititaliap suliarinninnermini makkuninnga inuttaqarpoq:

Inatsisartunut ilaasortaq Lars P. Mathæussen, Siumut, siulittaasoq
Inatsisartunut ilaasortaq Gerhardt Petersen, Atassut, siulittaasup tullia
Inatsisartunut ilaasortaq Karl-Kristian Kruse, Siumut
Inatsisartunut ilaasortaq Anders Olsen, Siumut
Inatsisartunut ilaasortaq Mimi Karlsen, Inuit Ataqtigiit
Inatsisartunut ilaasortaq Agathe Fontain, Inuit Ataqtigiit
Inatsisartunut ilaasortaq Juliane Henningsen, Inuit Ataqtigiit

UKA 2013-imi ulloq 24. september siunnersuut una siullermeerneqarnermini
Ilaqutariinnermut Peqqissutsimullu Ataatsimiititaliamut sukumiinerusumik
suliarineqartussanngorlugu innersuunneqarpoq.

Siunnersuutip imarisaa siunertaalu

Meeqqat inuusuttullu 18-it inorlugit ukiullit ulloq unnuarlu angerlarsimaffinnut
inissinneqarsimasut kiisalu inersimasut 18-inik ukioqalereersimasut ataavartumik
annertuumillu piginnaasakillisimasut pissaanermik atuiffigineqarnissaannut periarfissat
killissallu siunnersuummi tamakkiisumik maleruagassiuunneqarput. Siunnersuummi
piginnaatitaanermut aalajangersakkanik siunnersuuteqartoqanngilaq.

Siunnersuut meeqqanut tunngasuni pissaanermik atuinissamut malittarisassat
iluarsiivigineqarnissaannik aammalu inersimasunut aalajangersimasunut pissaanermik
atuisarnerup maleruagassiuunneqarnissaanik siunertaqarpoq.

Ataatsimut isigalugu pineqartumi maleruagassat siunnersuutigineqartut inatsisitigut pisariaqartumik isumannaallisaaneq qulakkiissavaa.

Inatsit ulloq 1. December 2013-imi atuutilersinneqassasoq siunnersuutigineqarpoq.

Siunnersuutip Inatsisartuni siullermeerneqarnera

Ilaqutariinnermut Peqqissutsimullu Naalakkersuisup siunnersuutaata saqqummiunneqarnerata saniatigut siullermeerinermi partiit Siumut, Inuit Ataqtigiit, Atassut, Demokraatit Partii Inuillu oqaaseqartartui ilanngussaqarput. Partii Inuit oqaaseqartartuata ilanngussaa taamaallaat oqaasiinnakkut saqqummiunneqarpoq.

Siullermeerinermi siunnersuut taassumalu siunertaalu partiinit tamanit taperserineqarpoq.

Siullermeerinermi ataasiakkaanik apeqquteqartoqarpoq immikkullu oqaaseqaateqartoqarluni, taakkulu ataatsimiititaliamit sukumiinerusumik sammineqarlutik.

Tusarniaanermi akissutit

Tusarniaanermi akissutit tusarniaanermilu akissuteqaammut allakkiatq tunniunneqartut ataatsimiititaliap tiguai misissorlugillu. Siunnersuummi nalinginnaasumik nassuiaatini tusarniaanerup ingerlanneqarnera nassuiaatigineqarpoq.

Ataatsimiititaliap siunnersuummik suliarinninnera

Meeqqanut inuusuttunullu ulloq unnuarlu angerlarsimaffinni pissaanermik atuineq eqqarsaatigalugu siunnersuummi oqaatigineqartut ataatsimiititaliamit ima paasineqarput tamanna ulloq unnuarlu angerlasimaffinnut tamanut atuutissasoq. taakku tassaassapput siunnersuummut nalinginnaasumik nassuiaatini erseqqissaatigineqartut ulloq unnuarlu angerlarsimaffiit kommuninit ingerlanneqartut, Namminersorlutik Oqartussanit pigineqartut imminullu ingerlattut, aammali ulloq unnuarlu angerlarsimaffinnut tamanut atuutissappat ulloq unnuarlu angerlarsimaffiit namminersortut aamma ilaasariaqarlutik. Siunnersuut ulloq unnuarlu angerlarsimaffinnut namminersortunut atuutissangippat siunnersuutip suliarinissaanut atatillugu Naalakkersuisut immikkut erseqqissaassuteqartariaqassapput.

Inuusuttut pinerluuteqarsimasut isertitsivinnut naleqquttunut inissinnagit isertitsivinni aamma /imaluunniit inissiisarfanni siusinnerusukku tigungmigallagassannagortinneqartarneri pissusissamisoortumik annertuumik uparuarneqarpoq. Inuusuttut pinerluuteqarsimasut inissiisarfanni inersimasut pinerluuteqarsimasut akornannut inissinneqartannaginnissaat, inuusuttunullu inissiisarfinnut naleqquttunut inissinneqartarnissaat ataatsimiititaliamit tamakkiisumik taperserineqarpoq.

Inatsisartut inatsisaannut inaarutaasumut ilitsersuummik suliarinnittoqarniarloq aammalu assersuutigalugu politimesterimit KANUKOKA-millu tamanna pillugu oqaaseqaatit tassani

eqqumaffiginiarneqartut ataatsimiititaliap maluginiarpa. Siunnersuutip inaarutaasumik akuersissutigineqarnerata kinguniatsianngua aammalu piffissaq atuutsitsilerfissatut siunnersuutigineqartoq, tassalu ulloq 1. december 2013 sioqqullugu ilitsersuut naammassineqarsimassaaq.

Atuaruminartunngorlugu ilitsersuummik meeqqanut inuusuttunullu inissinneqarsimasunut taakkulu ilaqutaannut sammititamik ilitsersuummik suliaqartoqarnissaa ataatsimiititaliamit kaammattuutigineqassaaq.

Ulloq unnuarlu angerlarsimaffinni attuumassuteqartuni pissaanermik atuineq pillugu malittarisassat eqqortumik atuutsinnissaannut tunngatillugu perorsaasutut sulisut pikkorissartinneqartarnissaat ilinniarteqqinneqartarnissaallu pingaaruteqarmat ataatsimiititaliap erseqqissaassutigissavaa.

Siunnersuutip akuerineqarnerata kingunitsianngua inatsisillu 1. december 2013-imi atuutilinnginnerani isumaginninnermut tunngasuni pissaanermik atuineq pillugu pikkorissartitsisoqarnissaa Naalakkersuisunit qulakkeerneqassasq ataatsimiititaliap kaammattuutigaa.

Aammattaq tamatuma kingorna pisariaqartitsinerlu naapertorlugu pissaanermik atuineq pillugu ingerlaavartumik pikkorissaasoqartarnissaa ataatsimiititaliamit kaammattuutigineqassaaq, taamaalilluni perorsaaniikkut sulisut sulinerminni malittarisassanik atuisussat kommuninilu qitiusumik inissisimasut pineqartumi malittarisassat ilisimasaqarfiquassammatigit.

Siunnersuummi § 58, imm. 2 naapertorlugu pissaanermik atuinerup ineriartornera aamma inuit kiffaanngissuseqarnerannut akuliuttarnerit allat pillugit Naalakkersuisunut kommuninullu ukiumoortumik nalunaarutit tamanut saqqummiunneqartassasut ataatsimiititaliap kaammattuutigissavaa.

Pissaanermik atuinerup ineriartornera inuillu kiffaanngissuseqarnerannut akuliuttarnerit allat pillugit nalunaarutit tamanut saqqummiunneqarnissaat innuttaasut pineqartumut nalinginnaasumik eqqumaffiginninnerannut iluaqutaassaaq, aammali pingaartumik illuatungeriinnut ingerlataqartunullu meeqqanut inuusuttunullu kiisalu inersimasunut tarnimikkut annertuumik ataavartumillu piginnaasakitsunut atugassarititaasut pillugit suliassaqarfimmut immikkut soqutigisaqartunut aamma iluaqutaassalluni.

Siunnersuummi Immikkoortoq II-mi meeqqanut 18-t inorlugit ukiulinnut ulloq unnuarlu angerlarsimaffimmi inissinneqarsimasunut attuumassuteqartumi maleruagassanik atuineq qanoq qanorlu akulikitsigisumik nakkutilliiviginiarneqarnerasq siunnersuutip

aappassaaneerneqarnissaani erseqqissaatigeqqullugu kiisalu nassuiaat taanna suliaasaqarfimmi ulloq unnuarlu angerlarsimaffinnik nalinginnaasumik nakkutilliinermut pilersaarutinullu sanilliuteqqullugu Naalakkersuisut ataatsimiititaliamit qinnuigineqarput.

Nakkutilliinermut atatillugu ataatsimiititaliap erseqqissaatigissavaa, meeqqanik inuusuttunillu angerlarsimaffiup avataanut inissinneqarsimasunut nakkutilliisarnissaq pillugu siunnersuut 2010-mi Inatsisartut inaarutaasumik suliarimmassuk. UKA 2010-mi UKA 2010/52-imut siunnersuut taamaalilluni akuerineqarpoq. Meeqqat inuusuttullu angerlarsimaffiup avataanut inissinneqarsimasut atugaannut tunngasunik nakkutilliinerup nukittorsaasoqarnissaanut aalajangersaasumik siunnersuummut isumaliutissiisummik Ilaqutariinnermut Ataatsimiititaliaq tunniussaqqarpoq. UKA 2010/52-imut siunnersuummut tunngatillugu Inatsisartuni aalajangiinerup malitsinneqarnissaanut Inatsisartunut siunnersuummik sulilunaaruteqartoqarsimannginnera takuneqarsinnaavoq.

Meeqqat inissinneqarsimasut nakkutilliivigineqarnerisa nukittorsarneqarnissaata saniatigut inissiisarfinni pissutsit aamma aallunneqassasut ataatsimiititaliap siunnersuummut UKA 2010/52-imut isumaliutissiisutaani Ilaqutariinnermut Ataatsimiititaliaq oqaatigaa. Meeqqat inuusuttullu ulloq unnuarlu angerlarsimaffinnut inissinneqarsimasut kisimik UKA 2010/52-imut siunnersuummi pineqanngillat, siunnersuulli meeqqanut inuusuttunullu angerlarsimaffiup avataanut inissinneqarsimasunut tunngassuteqarpoq.

Aammattaaq malittarisassanik immikkoortillugit nalilikkanik kingusinnerpaamik 31/12 2014-imi ataatsimiititaliaq tigusaqassasoq ataatsimiititaliamit kaammattuutigineqassaaq. Siunnersuutip aningaasaqarnikkut allaffissornikkullu kingunerisassaasa aningaasalersorneqarnissaannut aningaasanik naammattumik immikkoortitsisoqarsimanersoq naliliisummi ilaatigut nassuiaatigineqassaaq.

Siunnersuutip aningaasaqarnikkut kingunerisassai

Sulisunut nalinginnaasumik sulinerminnullu atasumik malittarisassanik atuisussanut ilitsersuusiornissamut allaffissornikkut nukissaqartitsisoqarnissaanik pisariaqartitsisoqarmat ataatsimiititaliap erseqqissaatigissavaa. Tamatuma saniatigut inunnut malittarisassiuunneqartunut aammalu pissaanermik atuiffigineqarsinnaasunut, tassunga ilanngullugu taakku qanigisaannut ilitsersuummik allamik perorsaanermullu tunnganerusumik suliaqarnissamut inunnik aningaasanillu atuisoqarnissaa naatsorsuutigineqassaaq.

Pissaanermik atuinermut tunngatillugu malittarisassatut siunnersuut naapertorlugu Isumaginninnermut Naammagittaalliuuteqartarfik naammagittaalliuutinik qanoq annertutiginnissaanik ilisimaneqanngitsunik suliaqarsinnaavoq. Naammagittaalliuutit ukiumut ikittuinnaagaluarpataluunniit tamanna Isumaginninnermut Naammagittaalliuuteqartarfimmi sulisunik atuinermut annertuseriarneranik kinguneqassaaq, pingaartumik suliaqartarfik ikitsillugit

naammagittaalliutunik suliarinninneq akimmisaarfiunngitsoq sungiusimaneqartorlu anguneqarsinnaanngimmat.

Isumaginninnermut Naammagittaalliuteqartarfimmi naammagittaalliutip suunera apeqqutaatillugu sulianik ingerlatsinermi piffissanut atorneqartunut naalakkersuinikkut anguniakkat pillugit Naalakkersuisunit piaartumik ilisimatitsisoqarnissaa aammalu anguniakkat taakku aalajangersimasut, tassunga ilanngullugu siunnersuutip matuma kingunerisaanik Isumaginninnermut Naammagittaalliuteqartarfimmut nukissatigut kingunerisassat ilanngunneqartut AIS 2014-imi kontomi pingaarnermi 62.30.01-imi Isumaginninnermut Naammagittaalliuteqartarfimmut sammitinneqartumi aningaasaliissutissatut siunnersuutigineqartunut sanilliussisoqarnissaa Ilaqutariinnermut Peqqissutsimullu Ataatsimiititaliamit immikkut qinnutigineqassaaq.

Aammattaq pissaanermik atuisimanermut nalunaarutigineqartut eqqumaffiginissaannut, misissoqqissaarnissaannut qisuariaateqarnissamullu Naalakkersuisut pisussaaffeqarnerisa saniatigut immikkoortoqarfinni Naalakkersuisoqarfiup ataani inissisimasuni malittarisassat atuutsinneqarnerannik nakkutilliisussani sulisunik atuinerulernermik siunnersuut kinguneqassaaq.

Aammattaq siunnersuummi kommuninut aningaasartuutit sulisullu amerlisimanerannut tunngatillugu nalinginnaasumik nassuiaatini saqqummiunneqartut matumani ilanngullugu ataatsimoortumik tapiissutit isumaqatigiinniutigineqarnissaannut tunngatillugu saqqummiunneqartut ataatsimiititaliamit maluginiarneqarput. Pineqartumi malittarisassat nutaat pissusissamisoortumik kommuninut sulisoqarnerulernissamik aningaasanillu amerlanerusunik atuinermik kinguneqarnissaa kiisalu tamakku tamarmik ataatsimoortumik tapiissutit isumaqatigiinniutigineqarnissaannut ilanngunneqarnissaat pingaaruteqartoq ataatsimiititaliap erseqqissaassutigissavaa. Kiisalu siunnersuummi immikkoortumi II-mi aalajangersakkanik unioqqutitsinermut tunngatillugu naammagittaalliutunik kommunit suliaqarsinnaanissaannut sulisoqarnikkut aningaasanillu immikkoortitsisoqassasoq ataatsimiititaliamit erseqqissaassutigineqassaaq.

Ulloq unnuarlu angerlarsimaffinni perorsaanikkut sulisut pissaanermik atuneq pillugu pikkorissartinneqartarnissaannik aaqqissuineq aammalu taakkuninnga aallarniutaasumik pisariaqartitsinerlu naapertorlugu ingerlanneqartarnissaat aningaasaqarnikkut allaffissornikkullu nukissanik atuiffiussaaq.

Siunnersuutip piviusunngortinneqarnerani aningaasaqanikkut kingunerisassat siunnersuummut nalinginnaasumik nassuiaatini allaaserineqarput. Siunnersuut annertuumik aningaasartuuteqarfiussanngitsoq tassani oqaatigineqarpoq.

Saqqummiunneqartut tunngavigalugit allaanerungaartumik naliliinissaminut tunngavissaqanngitsoq ataatsimiititaliaq tunngavissaqarsorinngilaq. Taamaalilluni apeqqut tamanna Naalakkersuisunit sukumiisumik misissorneqarsimassasoq aammalu tamatuma kingunerisaanik aningaasaqarnikkut allanik kinguneqassanngitsoq ataatsimiititaliap taamaalilluni qularinngilaa. Taamaakkaluartoq siunnersuut pisortat karsiannut naatsorsuutiginnngisamik aningaasartuuteqarnerunermik kinguneqarpat aningaasartuutit taakku aningaasaliissutaareersut iluini akilerneqassapput, taamaattoqassappallu suliniutinik allat tunulliuunneqarnerannik kinguneqassalluni.

Ataatsimiititaliap inassuteqaatai

Ataatsimiititaliap isumaqatigiittup Siumumeersut, Atassummeersut aamma Inuit Ataqtiginnersut siunnersuut taama iluseqarluni suliareqqinneqartussanngortippaat.

Taama oqaaseqarluni isumaliutissiisummilu allassimasunut paasinnilluni ataatsimiititaliap siunnersuut aappasaaniigassanngortippaa.

Lars P. Mathæussen
Siulittaasoq

Gerhardt Petersen
Næstformand

Karl-Kristian Kruse

Anders Olsen

Mimi Karlsen

Agathe Fontain

Juliane Henningsen